



翁月鳳 女士

閩南語 / 現代詩類 / 社會組

得獎作品 /

王徵吉——掛號

【得獎感言】

感恩的心，是力量的泉源。

烏面拈栳對遠遠的所在
向我飛來

in白白的翼
親像是欲送予我的紙
in烏烏長長的喙
親像是欲擲予我的筆

我輕輕共筆搵咧
佇紙寫落：感謝

王徵吉——掛號

風經過的路線

一粒種子用憤怒咧飛

落佇偷魚賊仔的身軀頂開一蕊糶花

血sai-sai像摔倒漆，彼搭

搜著半張風脈的地圖

搜著兩針畫過的痕跡佻雲的棉紗

1992年臺南七股彈出的銃聲

予民族的善良幽幽仔搐疼

予一个物種生存的本能受驚惶

出籠的野蠻像落屎星，摔過文明的千里鏡

烏面拈栝，白白的翼烏烏的長喙柄

若白色批紙kah一枝烏色的筆咧飛

寫佇風中的話已經散掖

血內含疼的白色翼股，像訴狀

若是佻烏面拈栝交換靈魂，是毋是

就會當演化輿論的判決？

伊常在相機紮咧駛車四界覓

烏面拈栝佇佗，伊就佇佗

伊的行為像咧追隨電影明星

翼按怎展才會嬌，頭按怎幹較古錐？

鏡頭內的烏面拈栝，姿勢變換千萬回

日頭綴路欲鬥調光線，逐攏袂著

定定一个銀phiat仔面喘甲變做紅龜粿

守護烏面拈栳是伊旅行的道路
飛啊飛，烏面拈栳是湧的旅行團
水面的飯桌，長長的湯匙仔喙夾物配
翼仔褙開是葵扇，合起來是山脈
歇暈的時陣，一跤收懸孤跂拄地

伊搵重重的攝影裝備，細膩仔peh
崎崎的山壁像上帝的額頭
遐有烏面拈栳的卵，一岫一岫
宛然是鎮守榮光的真珠

彼工，伊倚佇意志揜貼的懸海拔
看著時間咧摸大索
有身的烏面拈栳踏無跂步，雄雄
停落來，半跂倚
一粒卵ù腹肚下勻勻仔揀浮出來
無像雞仔鴨仔，phak咧
期待才會慢慢仔趟出身軀的壁
這個發現
予外國的保育學者目矚齊展大蕊